





正心詩集卷之四

石鏡亭

石鏡天開照百靈，有時光炯發巖扃。
江搖晴練村，
白山擁浮嵐，岸青勝地蟠龍終不泯。
仙人騎鶴定曾經，
乾坤俛仰成今古，永鎮高城是此亭。

和韻桂軒春思

擬向東風歌一曲，從來寡和是陽春。
凭闌步韻元非敵，
臨楮揮毫未有神。
山外嵐光隨地起，
陌頭柳色趁時新。
茫茫世夢還驚覺，
老眼揩摩見更真。



上元夜

九市春仍闌千門夜不扃霞光分萬樹虹影綴羣星
玉漏聲疑斷金吾禁許停歌詞忻戚異側耳若為聽

和韻桂軒海棠

小園閑步意遲遲見海棠花發故枝醉態生香風似
剪睡眸含淚雨如絲嬌嬈特地堪承寵麈俗漫山枉
賦詩尺咫無由共酬唱一山如隔兩天涯

致齋

外滌身仍內滌心持齋無夢夜沉沉黑甜一枕春偏

困清坐孤檠曉欲侵習氣尚教搔短髮米風漫與散
煩襟寒爐撥餘薰盡却被詩魔苦自吟

再宿齋宮

春陰薄帶微寒再為持齋獨倚闌靜斂心君超物
外緬思神馭隔郊端孤雲縹緲空形影新燕差池振
羽翰祈福為民無不利皇圖計在萬年安

怡雲亭

一從巖寺闢新亭時有飛雲遶翠屏到此心怡超物
外悠風送百花馨

聚翠亭

松篁深處構斯亭翠色千重聚一屏九十春光將過
半輕紅嫩綠足芳馨

靈泉祀歸

猿啼清晝不勝情深入山間百感生行盡高峯烟雨
暗望迷芳草水雲平孝思有在瞻華表愁夢無端造
化城展祀禮成歸路遠春風相逐馬蹄輕

童方伯之汴藩

价人元不忝維藩

寵命來宣位愈高紫綬金章新左轄大河喬嶽古中
原時清共道風塵息春晚相看草樹繁江漢居人聞
早發遮留空自競攀轅

贈王清戎

驄馬來朝有遠行霜風滿面鉄錚々法星一道光芒
動戎事二年簡牘清

鳳闕載瞻

天最近烏臺爭羨宦初成汝南自昔多人物似此增
輝月旦評

贈劉侍御

路上行人且避驄，崇朝滿面拂霜風。
奏彈白簡天顏喜，坐列烏臺地面雄。
山嶽都搖巡歷後，煙雲還入品題中。
蜀川遠出千章木，梁棟今看用可充。

風雨

風雨無時變，蒼穹詎可憑。
支頤空嘆息，舉目更哀矜。
市晚山鴉噪，江長水怪興。
問閭偏寂寞，米價頓教增。
大水沒民田，屋感歎有作。

平地翻波浪，人家類罄懸。
迷茫連碧漢，愁怨在皇天。
此患從梅雨，何方覓稻田。
誰無民社寄，為樂酒樽前。
和韻典儀羅練觀江漲之作

向晚扁舟閣太陽，眼前巨浪轉茫茫。
晴川古樹知皆沒，原野高田望亦荒。
貴賤家仍分苦樂，古今事自有興亡。
從來醫國推能手，及早陳言達建章。

總制都憲陳先生在嶺南寄詩為壽次韻答之

大成推偉器

妙簡值

昌辰幕府開蠻徼，輶車接海垠。化行城不夜，恩洽物皆春。勲業英雄事，崇高富貴身。

賜袍仍計屢，看鏡未嫌頻。咨度諳民俗，謨猷告

帝宸。獨賢曾有幾，久敬更無倫。此日門前使，他邦嶺外人。斜封三道印，厚錫百朋新。禮幣雙，重詩情一。真遙瞻南有斗，光耀滿江濱。

野望

一帶山城水面浮，遙從樹杪認汀洲。人疑極險如三峽，天與相平接一漚。岸老長堤猶北走，秋深大火正

西流災傷何日聞

天子恩詔重，頒五鳳樓。

中秋前二夕步月

月窟秋深散異香，庭除獨步愛清光。玉盤承得露華白，瓊砌拾來金粟黃。萬籟無聲天更寂，群星有曜夜初長。幽齋詩就無餘悶，茗碗清，浣結腸。

中秋致齋

是月卿試

屈指秋光一半分，文星朗，獨超群。碧天氣爽生涼思，清夜烟消絕點氛。楓葉聲疎，還自落，桂花香噴有。

餘芬精誠報祀神應格民望收成似拯焚

王大叅擢任山西

眉鬢倏然儼似仙星輶西逝倚旬宣纔緣超拜膺
殊渥豈曰馳驅歎獨賢霜露九秋新烝候風沙三晉
舊山川昔聞不附奸回事一節能完類鐵堅

重陽前四日

深秋花氣已濃薰紅綻黃開艷欲焚指屈重陽屆佳
節夢迴零露降清氛白蘋方裊幽懷愜紫蟹將肥美
酒醖爲善日長嫵未足惜陰寧較寸和分

霜降

新霜降詰朝風雨夜鳴條漸覺寒威薄懸知沴氣消
芙蓉開爛熳菊艷逞嬌嬈松栢依然秀梧桐率爾凋
歡棕魚在藻塵夢鹿藏蕉鋒鏑時方用何年可得銷

見霜

嚴霜飛玉屑隨處點蒼苔曉色浮此瓦寒光散蟻杯
東籬餘老菊古陌隕高槐青女何遲降多時有鴈來

贈永康侯奉使還

妙齡奉使有光華侯度雍容自足嘉地位次公隆爾

爵

天恩睦族被吾家春前草木迎來歲江上風雲引去
楂官柳未凋踰一紀先公曾此建高牙

贈張中舍

蚤年身到鳳凰池文采風流有令儀四牡馳驅勞奉
使

六龍眷注發疇咨藩邦竣事雲生袂賓館娛情月上
危牕去春來從此別後應相憶見梅時

寧湖寺

城西亘長隄寧湖枕其股高僧出異代卓錫啓梵宇
寒光動雲月蘚蝕金碧古咫尺隔塵囂歲晚天花雨

除夕

茲逢改歲慘無歡坐向東風強自寬栢葉未論新酒
美梅花先占早春寒清時常幸烽烟息壯日偏驚爆
竹殘曉箭遲宮漏澁候朝人已正衣冠

長春寺觀燈

百年多寶塔光焰至今存普獻人天衆皈依佛世尊
大千超法界不二見空門杳三生事無僧可與論

罷燈

灼灼鰲山昨夜殘，孤齋閒寂坐更闌。
書檠掩月添情思，茗碗生煙滌肺肝。
樂事到頭如逝水，韶光過眼類跳丸。
清時有味憐虛度，贏得朱顏似渥丹。

瑞香花

呈瑞天葩散異香，冰肌雅稱絳紗裳。
盆臺早得春消息，管與紅梅取次芳。

瞻猗亭二絕句

猗猗綠竹蔭斯亭，秀色雲烟遶戶高。
我與此亭結宿

友春風吹葉響玲瓏。

瞻猗彷彿效淇園，千尺撐霄未易言。
勁節已經霜雪後，蟄雷驚笋長龍孫。

正月晦日雪

相聞鳥語報春回，一夜梨花萬樹開。
寒戰玉龍迷洞壑，凍成冰柱起樓臺。
此時齋坐搖銀燭，何處酣詩列玉杯。
敢問上台調燮者，可因候氣論祥災。

祀社省牲

東風柳眼已能青，雪霽郊原萬木馨。
我為視牲馳遠

道神應歆祀格空垌一江浩渺來新水十里冥濛帶
淺汀回首郡城烟霧濶山禽好語重丁寧

將祀山川致齋

一雨經旬不放晴痴雲何苦戀檐楹山川氣聚神如
在祭祀時臨我亦清南陌泥塵方有事東風潤物太
多情傾盆徹夜田塍滿瀉盡千巖萬壑聲

入靈泉山

自出東關眼界寬春風撲面不知寒煙籠村柳盈
綠日映溪桃灼灼丹人憇盤陀如曝背馬馳峻坂類
飛翰入山俯仰成追慕行寓寥寥鼓角殘

九峯

新詩曾為九峯留春祀郊行又此遊雲過好山聊駐
馬風生高樹正鳴鳩空門塵定千旌滿永日香殘殿
閣幽到此令人心境濶俗緣擾竟何求

社日

社日鼓逢春風送笛腔綠楊方夾道白酒正盈缸
祀享神如在分均衆所降村翁能鼓舞花影動晴窓

牡丹二絕句

國色芬芳百寶闌春陰連日動微寒天公幾陣催花
雨葉底傷情淚不乾
仙姝初着絳羅裳風雨頻妬晚粧獨恨東君情太
薄一年虛負好春光

高僉憲北上

柳條嫩綠折新痕騶從如雲擁驛門遇事弗虧風憲
體入朝還被

聖明恩春光灼花盈岸喜色欣酒在樽五載已
遲余拜命湘人空復望南轅

三司讌集城南湖中激臺以詩索和

良會值清和何當發浩歌湖光開激灩樹影舞婆娑
美酒擎金盞輕衫試越羅蓬萊斯島是半日得相過
宗廟新成恭承

御祭致齋夜雨已而喜晴有作

草樹通宵納雨聲齋居側耳最閑情樓臺改色浮雲
盡宮闕生輝麗日明奕

皇恩嚴大祀魏新廟壯宗盟時維初夏晴陰乍敢
道回天仗至誠

秦鳳山都憲見和前作仍韻訓荅

旬浹愁聞屋雷聲
老天開霽快人情
坐中山色如眉黛
分外榴花照眼明
穩國無虞遵舊典
吟壇有味結新盟
近來憲府憂勞甚
每向景闈對畫屏
天家布悃誠

和秦都憲陪祀喜晴韻

饗廟

殊恩遣大行時當梅雨薄
重城舉頭見日人心喜助
祭如雲石磴晴香霧騰騰
浮碧瓦水光淡映青旒
禮成悵望仙臺遠
草樹連天一掌平

再和

古禮于今僅舉行
鼎新廟制寵維城
時當首夏愁多雨
祭有全牛幸乍晴
所重助于

天子事不輕
招以大夫旌
收珠南海班
師後子美詩

中有自平

秦督征柳桂新回

三和

一從義馭轉南行
零雨傷多水滿城
鎮日自吟尤惡濕
老天何事尚慳晴
森々倍長臺
端栢了々初迴馬

上旌見說豐年先有兆高田翻浪揜秧平

贈江行人

遣祀 宗廟事竣北上

九重載下紫泥新旌節來臨漢水濱
五月吉蠲嚴祀事使星輝映大行人
層城鶯轉風前樹遠驛烟籠馬首塵
有美家聲能世濟百年喬木象山春

又

酒送初筵別意新蒲帆將發蓼洲濱
好山滿眼如留客苦雨彌旬正惱人
天上皇華明夕照天涯芳草散香塵
仕途跡重青雲夢後會相望隔幾春

贈余行人

遠山晴後色逾新旌節輝煌古岸濱
帝德如天敷本族皇華滿地勞征人
長風晚發掖衣袂急雨朝來浥路塵
遊宦從今名轉播絲絲枯槁亦沾春

端午

騷辭思一展正值浴蘭時
徧插千門艾空纏五色絲
薰風來爽塏香氣播芳蕤
不競龍舟渡無寧負此詩
杜總鎮設宴鶴山書院

海石榴花照眼新律隨月令轉
蕤賓良天美景能開
宴妙舞清歌儘快人
梅雨欲晴還作潤
竹風不動絕
無塵此情深至吾何德
醕酌樽罍琥珀春

王憲長擢都憲巡撫寧夏

寒雲盤繞賀蘭山
千里提封指顧間
白草偏生霜氣
凜黃河直瀉水聲潺
烏臺簡拜威風盛
虎將超驤號令閑
湖泉幾人西出撫
瀕行不作別離顏

弟尊美堂以末麗花為貺謝之以詩

嶠南末麗寔天葩
千里移來道路賒
粉蕊凝冰香馥郁
青枝含露嫩交加
名園得尔增清勝
久雨令人解愠嗟
培養更看生意盛
倚闌孤興浩無涯

又

天公妙手綴奇葩
清賞何須酒更賒
日色乍晴姿轉媚
風光正好馥尤加
及時采擷爭憐惜
着意栽培可嘆嗟
何不托根荆楚地
播遷盆盎作生涯

辱尊美堂訓和前作仍韻荅謝

來詩滂沛復芳葩
價重連城未可賒
興到七言還迭出
文成一點不須加
本宗有此曾誰匹
老我無能漫

自嗟兩日對花香撲面夜中清夢遶溪涯

久雨和桂軒

積陰不解傷多雨乍見雲收倏又來無柰街頭翻白浪
浪可看履齒印蒼苔吟哦經夕成無用懷抱何時得好
閑后土不乾天欲墮忘憂聊藉酒為媒

雨後觀漲

徂暑月踰半三庚伏入初一城傷雨水半夜墊民居
盡苦行無路誰能食有魚翻盆何太惡曉喜霽雲舒

宗廟嘗禘致齋

風雨泠然送晚涼致齋宗廟值初嘗少恩頓欲捐紈
扇多汗何能透葛裳更覺幽花香馥郁誰令翠竹響
琳琅一宵枕簟渾如洗清夢悠々百慮忘

當祭之夜大雨頃復先霽

秋來大雨應時行立待晴開更竭誠清霽重々浮祝
啟陰氛黯々潤匏笙詠歌有永神先格灌獻無違禮
已成拜罷仰瞻星畢見此心術々樂和平

安節貢士授廣信通判

荆楚才曾播令譽府僚不必問何如南屏秀出烟霞

外

北闕恩沾雨露初驥足此行應大展牛毛何弊可先
祛能勤不滯公家事堂下人聞夜誦書

謝僉憲北上以畫松留別贈之以詩

簪笏趨

朝報寸丹三年持憲號能官令行綏服霜威凜帆揭
秋泣水勢寬此去應知遷不次斯文共惜別偏難我
心愧未如松栢珍重高標保歲寒

立秋

梧桐飄一葉素節啓新秋玉露方凝砌金風已滿樓
河漢如下瀉星火復西流暑去多清思何當秉燭遊

行年四十又一

不惑年加一安貞暇有餘南邦惟秉禮北闕又貽書
未許初心懈空憐短髮踈老天垂默相風月伴閒居

述懷

浮生空碌碌無事足清閑王化通邊徼八烟迫水關
草蟲當夜語巢燕及秋還羞把青銅照蕭疎髮欲斑

處暑

節臨處暑星躔改秋在虛庭夜氣涼玉露下沾黃蕊
茂金風吹逐綠荷香蛩吟古壁何凄切蟬噪高林更
杳茫始信流光駒過隙願令憂樂兩俱忘

秋齋

齋居思情然搔首不成眠戍鼓初長夜方輿極治年
粉牆聯畫障紅蠟照青編庭戶饒秋色天高露氣鮮

舟中

秋水龍舟縱所如北壇無路可通車禮嚴享祀當商
節神鑒精誠在太虛有衆趨蹌紛似蟻居民務整半

皇白蘋紅蓼迷踪跡悵望長江萬頃餘

八月十四夜

貝秋容正泊如南山殷：走雷車雲陰何不開今
夕雨意誰令蔽太虛闌楯未能消酷暑盆池自在戲
遊魚夜分皓魄明如水舉酒相邀興有餘

十五夜不見月

中秋不放月華明賴有涼颼快我情可是姮娥深閉
閣令人悵望坐殘更

問菊

問菊遠東籬花開惜太遲幽香偏不語穠艷尚含姿
亢旱違人意涼風過汝期陶翁方避俗止酒有新詩
貽弟惟善堂二絕索取菊花

金風玉露起重陽老圃荒來未見芳往歲君家開最
早曾承移種到山堂

黃白花開萃一堂西風吹過逞芬芳肯分一本娛塵
目把酒還宜翫夕陽

九日登高

重陽聊爾把茱萸縱意登臨也賦詩糕餌幾何春王

粒花枝所在泛金卮江山自古皆如此風雨於今果
應期落帽風流真脫俗不妨醅酏太平時

送秦都憲南征用前見和二韻

洞獠侵邊蠱尾如重勤憲節督戎車移文下邑都供
餉分道竒兵直擣虛遠岸沙光馳鉄騎高秋霜氣拭
銅魚功成指日沾

息渥有勇何當亦賈餘

師出須令寇亂平邊方從此觀澄清兵符閩外秋俱
發刁斗營中夜不驚擲嶺雲深騰殺氣洞庭水闊振

先聲功高畢紀還歌凱會有天恩下楚城

寄賀鄭都憲榮膺擢命

山東宣政又山西分陝行臺自此躋凜凜清霜飛隴
坂瞳瞳明月照沙隄城烏未起烽烟靜苑馬長鳴草
色萋通練雅宜隆

眷注遙間恩勅出金閨

長子長樂王初封支祿勉諭

祿有千鍾厚詒謀自

祖皇始封遵故典實食衍餘慶侯亦度尤須慎

天恩詎可忘勉旃茲數語宗牒更增光

陰德堂

陰德由中積何妨揭戶捐與人甘自損修己更誰知
得之無津涖冥之有歲時子孫長久計天報不虛施

周來軒方伯崇正堂

名堂脩水上正學始增崇希聖功能用藏書棟可充
家肥承化日客稔沐春風宣政湖山外咸云道已東

汲福井

汲福井美名誕播湖南境由來阨塞有時通錫福湖

民民受領粵自

國初初藩省稽古建官此宣政省前有井舊無禽跬
步間令人迹屏小戶大家後形影出汲江邊日無定
左提右挈已自勞矧犯風濤陷泥濘藩使前年被
除命慷慨多方察民病相彼垣南有水泉行馬沉淪
類阮阱迺加潔治工力併鉏鍤齊施去枯梗入深尾
礫盡蠲除古甃經修復完整數仞及泉清且冷厥德
有常本淵靜一歌可以澄人心無間疲庸并酌酌爰
構新亭在俄頃加以美石起瞻聽諭民井飲舉欣然

奔走通街仍曲徑雲覆銀牀苔色淨風颺遊絲春晝
永往來抱甕動成群競倚危欄理修綆運轉轆轤響
如磬萬竈炊烟晨又暝挹注猶能足饑餒為養不窮
功轉盛藩使先憂心柄之政在養民之慶幸一道皆
知仰福星此井的然為左證

十月十二日夜雷雨交作

轉眼秋殘倏已冬小春天氣暖如烘立原未播來牟
種籬落猶荒杞菊叢方半驚雷應起蟄曉來零雨正
漫空北門警備皇圖固試玩義文歲必豐

送殯遇雲感懷

寒凝冰霰似跳珠，幾陣悲風送殯車。
慘淡同雲浮古堞，冥濛異氣暗前墟。
青山遙指牛眠處，白石應迷射虎初。
今夜香魂杳無定，深林葉落半天虛。

立冬

風雨秋垂盡，淒涼閉閣初。
霜飛寒日淡，木落遠林虛。
蟄物應咸俯，幽懷得自摠。
流光如逝水，詩律轉生疎。

慈範冊

懿行本之慈，誠然亦女師。
節宜楓陛表，名亦柏舟垂。

華髮終無恨，清門賴有兒。
新阡風水會，草樹正葳蕤。

和桂軒韻

律應黃鍾氣，轉和園林卉。
木漸生多風，前把酒澆陰。
興月下烹茶，解睡魔試筆。
只應題福慶，增年那復怨。
羲娥此生幸，際昇平世一。
任踈狂發浩歌。

元日喜晴

方朔占書在春頭，最喜晴夜看烟靄。
散曙覺日華明，習、條風寒融、瑞氣生湖湘。
方告歛宵旰，正馳情簡命仁賢至。
宣恩品彙亨，歲豐何待卜相賀。
泰階平。

答吳都憲奉命賑濟湖湘

五更興劇聳吟肩風度爐薰未曙天占日方期民事
洽拱

辰自信我心虔久霑

堯舜無為化僅見桓宣大有年一自福星臨此境家
、酤酒溢觥觥

元夕宴會

倏忽佳辰屆土元天街鼓吹幾回喧星球滾滾春光
麗火樹煌煌夜景繁共喜傳柑如故事曾知上帝本

方言宗盟在宴情無限既醉還應盡一樽

齋居雪霽

一春將盡積頑陰嫩柳嬌花苦不禁雪霽始無搖落
狀天開遂有發生心綠蕪似剪迎和氣黃鳥如梭送
好音坐對銅君無箇事鴨爐香燼起檀沉

清明

清明驚火改榆柳逐時新風雨如期至韶華又一春
謾憑藍尾酒相與酌花神

高遠堂在長春山齋

構堂還占最高頭，雲漢平臨縱兩眸。
白練橫江春浩渺，青龍夾岸氣清幽。
一家天下河山在，千古人間歲月流。
覓得舊基新葺治，不妨詩酒事閑遊。

在山中作

春深旌旆出郊門，滿眼雲山接水村。
宿麥千畦鋪翠早，夭桃幾處放花繁。
晴光艷、馳官道，佳氣葱、拜寢園。
祀事孔明惟敬止，松風啼鳥促回轅。

夜坐

支願無寐坐更闌，失儼空教淚不乾。
却恨芳魂招不返，翻思淑質見應難。
霏、雨灑，樹房寂，剪、風生，練帳寒。
從此鷄鳴詩欲廢，短檠塵積一燈殘。

立夏遣懷

此日節臨維夏首，春光已盡落花時。
梁間燕語芹泥滑，庭畔蜂喧草露滋。
聖治舊瞻無玷缺，人生今信有睽離。
傷心可柰愁縈結，兀坐幽齋強賦詩。

賀秦都憲南征凱還

三五曾勞令與申，師行敵愾捷如神。
霜天增竈炊烟

紫雪夜分兵挾纊新波靜柳江遲過客氛銷桂嶺足
耕民懸知

昭代麒麟閣文武全才一个臣

賀杜總鎮

報道王師奏凱歸壺漿遠迓有光輝春風舟鳴銅
角喜色津上鐵衣柳嶺天青塵壙散星沙地潤麥
苗肥邊夷帖服恩威洽
褒勅遙瞻下
帝畿

賀王侍御

持斧南巡滿面霜宣威邁已下炎荒三苗巢穴煩深
入四海聲名許誕揚栢府無私加豸服
天顏有喜賜龍章佇看此日當還觀列象雲臺姓字
香

陳鶴莊挽章

負郭曾謀二頃田休官及早為胎仙乘風羽化真遺
世華表歸來定幾年

劉都閩擢任雲南

纔從柳嶺蕩蠻烟仰荷

褒恩豈偶然智勇近來推上將功名遠到屬英年碧
鷄金馬移新鉞漢水方城設祖筵臨別未須論萬里
翱翔爭覩上青天

聞鎮巡諸公有事武當宮謾成一律

醮啓琳宮事豈常祗憑一念達穹蒼沉檀香裏清都
近金石聲中白鶴翔歸馬荆山兵盡弭驅牛夢渚歲
還穰從知豈第神攸勞降福多編一方

再用前韻答秦鳳山都憲

徵兵永保出沅常萬竈朝炊嶺樹蒼瀧外烏蠻咸殄
滅雲邊羽葆快翱翔

冕旒受捷成功偉磬筦娛神降福穰
寵賚有加誰不羨征南詩合播炎方

典儀羅練病暑有作依韻慰問

偶失天和勉護持關心事勿廢公私曾聞異夢無須
恠細誦新詩有所思醫術光前寧自病書香衍後更
誰癡北堂灼萱花茂戲彩歡娛正此時

諸司祈雨獲應喜而作此

祗憑一念格皇天雲忽油然雨沛然千頃誰令成巨
浸四郊不復見高田鞭龍道士憂無術牧犢山人望
有年民困登時蘇大半九重嘉獎宰官賢

再用前韻答秦都憲

黑雲空積楚江天驟見翻盆豈偶然千里潤回無燥
土萬家秋穫盡腴田也聞詞客揮毫日正值邊人賣
劍年大旱已紓霖雨望知公元不愧商賢

立秋後苦熱

三庚伏已盡七月暑返酷餘威肆炎熾故態轉蒸溽
令人心則冲病此身屢浴安得踏層冰未肯憇惡木
蟬聲晚入耳螢光夜侵目何當金風發就枕黑甜足

杜總鎮南討殊勲卷求題

徂征有

命赫然臨幕府宣威遠蒞柳龍外甲兵尤勁悍山中
草樹更陰森多方載設安邊計一飭寧忘報

國心勛業非常承顯賚

天恩恰似海能深

秋雨中問林奉使

賓館蕭然暮雨秋
皇華興味轉清幽
揮毫落紙烟雲濕
醞酒臨風鬼魅愁
天外遙看新鴈字
海濱未說大刀頭
南巡他日人皆避
芳草晴川記舊遊

林奉使有詩辭免供餽仍韻和答

眼底平分一半秋
城西行部極清幽
商飈已是生涼思
霖雨何曾動客愁
墨妙不妨施鳳髓
官清無惜費蠅頭
庖人繼肉非臺餽
四牡茲來豈浪遊

正心詩集卷之五

齋居

秋雨連旬喜乍晴
無聞滴瀝盡簷聲
支頤熟視芭蕉長
傾耳生憎蟋蟀鳴
逸坐名香騰紫篆
趨時仙桂綴金英
齋心頓覺除煩鬱
方寸中惟着一誠

省牲之便喜遊舟有成

有事業取壇後緋
細彼岸頭駕言停
鶴仗假便視龍舟
樓櫓誇新制
江湖憶勝遊
他年灘水漲
有此慰遲留

中秋待月

齋居待明月節序當中秋雲起碧天動星垂清漢流
名花綴金粟瑞靄迷瓊樓玉兔不停杵銀蟾何所投
吾將乞靈藥誰與升遐俶散步廣墀下如來天外遊

秋祀靈泉

秋晚偏宜展祀行零露寒露綴千旌深山盡處佳城
遠殘月低時野水明華表雙撐疑鶴化蒼穹一色羨
鴻冥重陽倒指無多日風木猶增感愴情

鳳山都憲生日

老人星忽見湖天烏府秋深氣凜然大德正應臻壽

力梯航誰不仰皇仁兩丸日月奔馳迅一統乾坤感
慨頻聞道鑿輿方北狩聖經從古重時巡

係天堂

義取孟子傳註

清世能高尚名鄉足隱居居常尋一樂學肯惜三餘
海上遙天迥山中化日舒衡門生計遂夜雨潤園蔬

張方伯之任浙江

薇垣重寄力能任祭戰行當向武林地位愈高猶黑
首

天恩偏厚有丹心錢塘江上潮痕淺秦望山頭草色

深
清世旬宣多暇日不妨懷古一長吟

山中即事二絕

三白呈祥應臘前
山中有事苦寒天
我々新塚剛埋玉
一夜揚花糝白氈

曾說深山夜々寒
今來風雪更難堪
不勝悽愴收餘淚
坐待行宮鼓角殘

歲暮有事于

宗廟

宗祊將有事
孤寂坐更闌
臺迥雄風起
簷深積雪寒

考顯名何必論
神仙南山截業詩
方盛舊栢輪困節
更堅可信先憂成
後樂勿忘桂嶺握兵年

林奉使祖母夫人壽九十有六

百歲為期至
亦將神仙自昔出
莆陽壽稱

昭代人還瑞老見
玄孫事豈常
霞帔春遊娛
暮景星槎夜泛領

恩先名家有善
非徒積餘慶
重々表一鄉

林太守壽詩

壺公飽閱歲華新
此老何年卜與鄰
海上猶存三代

俗山中還占四時春標名青史爲循吏發道皇華有
令人更喜八荒開壽域斑衣屢舞悅慈親

宗廟祫烝後作

廟庭祀徹返齋居坐待天明思有餘起視秋聲如在
樹挑燈還了讀殘書

神馭將臨鼓四更雄風奮迅起宮城廟庭烝祫承歆
享景福駢臻大禮成

頌新曆有感

歲書又覩一番新正德稱天十四春耕鑿何曾知帝

江城春且動磐石祚彌安生菜猶堪薦誠先白玉盤

和韻桂軒新正試筆見雪感興

頑陰蔽日不教明人到春來感物情寒盡可憎梅影
瘦夜深尤愛笛聲輕紅塵舊跡年々異白雪新詩句
句清試問養生曾有術長鏡何處覓黃精

高遠堂即事

寶塔燈然十二宵清光灼々映星杓寺門擁雪來遊
晚江水吞天入望遙春在高墉騰瑞靄陽回弱柳放
新條時來夢到蓬山上把酒吟詩近次寥

自立春至于驚蟄殊無晴意

屈指三春一月過雪尤凝
沍雨滂沱新陽慳未回枯
木寒意遲仍薄淺莎地下
蟲蛇思起蟄天邊烏兔似
穿梭等閑不見東風面虛
度韶華可柰何

春齋

齋居袖手欲無言喜爲連
陰得乍暄春在啼鶯穿柳
過晴隨戲蝶入花翻雲開
漸露遙山色土潤難尋活
水源歲事祈神憑一念靜
嘉籩豆有司存

省牲喜晴

東風浩蕩散烟霾有事叢
壇霽景佳城枕山椒馳望
眼江吞樹杪暢吟懷名賢
踪跡成千古全楚封疆真
一涯所重祈年有兆津生
生意徧枯荄

自述

清晨把鏡倍堪傷兩鬢疎
明漸着霜少壯幾何空有
志神仙可學竟無方春城
在處迷紅紫晚樹依時仗
老蒼萬事破除塵夢覺消
愁還以醉爲鄉

送春

東君此際理歸鞚無計攀
留意恹然吟苦落花紅滿

地望迷芳草碧連天蜂忙底事來還去柳老何心起
復眠九十韶華風雨半開愁誰信日如年

四月朔值甲子五更驟雨

甲子又當維夏首五更殷一聲雷胡為此日天瓢
滴曾不崇期日色開放眼雲山青不了驚心歲月暗
相催乍晴更喜穠花發香氣騰拂面來

端午

江頭無競渡誰復吊三閭節物聊同俗人心豈異初
菖蒲浮綠酒符篆列丹書我獨懷忠義遺文歎卜居

審理蔚泉暑行秋觀卷

岸柳綠依々長江水正肥

神京遙入望官棹速如飛趨覲當鳴珮逢秋又授衣
期無忘設醴莫道宦情微

贈戴行人

出使南邦屬妙年丰容清朗照賓筵絕無離思三時
過剩有芳聲萬口傳仙舫臨江搖綠柳使星入夜綴
青天還將封事酬

明主應論親在所先

苦雨

零雨經旬日愁懷偶悵然天涼忘小暑江漲料今年
飢鳥喧簷溜生魚躍稻田何當民病愈仰面祝
皇天

題鳳山都憲平南偉績卷

椰桂西南山靠嶺中有徭民似蜂蟻從來負固恣冥
頑時復弄兵寇邊鄙哀哉赤子遭虔劉守臣告變前
年秋

聖明天子赫斯怒

編音遙下神為謀時則秦公職巡撫緩帶輕裘蒞軍
府一麾將士數萬人深入不愁溪峒阻搜山擣穴鋒
刃紅鳴鉦伐鼓聲氣雄轅門大譟獻渠寇捷書夜報
清晝同

天顏有喜賚爾功聖見寒谷皆春融深山到處車書
通化為良善漸華風盡力耕稼惟正供遠方自此安
旃幪吁噦遠方自此安旃幪

避暑

高

宗初堪避暑置身如在廣寒宮疑聞地籟孤琴裏似領
香兩袖中巖岫嵐光浮綠樹城樓日色射朱櫳僊
壁咫尺分欣戚何必逃禪悟色空

宗廟秋祀

蒸溽將殘且立秋依時嘗祀禮初修湖田秔稻方堪
薦沼沚蘋蘩亦易求晝永風生梧葉墜夜涼天靜斗
杓收新聞江外還多警怪底飛濤滯客舟

自述

四十三年真大夢此生自保可無愆幽懷賴有孤樽
奉往事還如一鑑懸白髮漸添空悵老朱顏未改足
懽妍封疆橫枕朝宗水寶善期于百世傳

和韻桂軒聞鴈

秋堂聞鴈初長夜覺有嗷々天外鳴雉繳難施終遠
舉稻梁易足了餘生影穿斜月供吟料聲散西風動
旅情長笛誰吹正淒斷南樓飛過鼓三更

感興

亢極秋陽尚未消膏中磊砢不須澆賓鴻天外空嘹
唳野菊霜前苦寂寥歲稔無收悲地瘠民窮有象覩

星搖倚樓幾度增惆悵縹緲孤雲望轉遙

贈毛侍御

按治全荆政尚通載揚載激凜清風彈冠自喜偏加
豸行路皆言且避驄三戶烟迷荒野綠九秋霜拂遠
林紅還朝疏上

明天子太息東南杼軸空

毛侍御珥筆升朝卷

一方快覩法生明旋旆行將上

帝京籌筆獨能持國是囊錐蚤已紹家聲

恩宣盛府羣鳥集秋在高是一鷓橫南郡莅巡暮月

徧江花江草摠離情

和桂軒冬日即事韻

初冬旬浹雨生寒散步芳園倦倚闌遙憶美人無限
思偶成佳什有餘歡城頭日出驚飛雉松頂風回怒
急湍正是晚來天欲霽氤氳秀色遍岡巒

龍門躍鯉况李珍舉人

河自積石至于龍門神禹䟽鑿汧流窮源水勢走下
萬雷迅奔山開岼岼怒氣風噴爰有健魚非鯉非鯢

名曰頽鯉鱗鬣雄掀於此一躍狂瀾倒翻倏忽為龍
昂首昆侖時作霖雨慰我元元乾道變化假龍為言
言之恐多我舌莫捫

扁舟文趣冊為劉太守希召題

風吹蓬鬢掛冠秋到處馳名得自由
館閣文章非稚筆江湖趣味有扁舟
彭山土沃蘭英紫鄂渚沙明月影流
此日湖南輿地誌寓公本傳肯先收

長至

紫氣綢繆繞玉牀星聯仙仗列堂皇
丹心祝

聖鑒三壽黃道開天復一陽
護管飛灰寒轉盛繡紋添線書將長
梅花已似傳消息風動園林有暗香

冬日遊長春山

長春山外闢高門乘暇登臨愛日暄
樹杪縱橫排鴈字墻根屈曲護龍孫
仙羊化石頑難叱文鹿逢人畏欲奔
眼底江山無限景招延容易入金樽

醫俗為石都閩作

不可使食無肉封使之相將軍腹武備尤須文事足
玉立終嫌溷汰俗開軒拓地延此君清風送席能怡

神、安無恙自無藥醫俗仙方莫示人

東麓草堂為惲憲副功甫賦

孤塵山頭草堂結幾度欲歸、未得茫、世路苦多
歧人生百歲誰非客大江側畔羣峯攢是間曠達疑
仙寰歸心空自念東麓行役何當賦北山持憲外臺
踰一紀遷陟又新毗化理謾將東麓入丹青相對恍
然如夢裏

九日夜雨

三冬慳雪意一雨入新年半夜聞簷溜餘寒見燒烟

春陽回草木膏澤被山川寂寞問閭子連朝喜似顛

橘潭

砭針妙手得家傳賸積陰功在市廛從此繞潭多種
橘人將疑爾遇蘇仙

伴讀吳昇擢任審理正

曳裾歲久喜喬遷恩命遙臨漢水邊尚擬冰霜堅晚
節肯隨桃李競春妍刑名無枉開公道囊橐常虛守
俸錢燕見有時還設醴白頭之上只青天

長春寺觀燈

風雨連朝只作寒為妨佳節寂無歡市廛閉戶翻如
禁佛寺觀燈強自寬滿架琉璃空燦爛一林錦綉豈
摧殘倚闌欲續頻年詠搜索枯腸轉覺難

元夕驟雨

三五當茲夜盆傾雨勢狂燈花成寂寞火樹失芬芳
鐵馬馳聲遠銅壺滴漏長來朝天若霽忍負好風光

和韻桂軒見雪

嚴寒無事把詩裁巧思誇人不待催六出花從天上
落一枝春逐水邊來灞橋驢滑難邀伴党帳羔香豈

問媒白雪調高終寡和逸詩未若補南陔

北壇即事

風定長江淨天高古道晴萌茸莎草茁潏灩水雲平
白鷺棲沙渚黃鸝啼柳營北壇瞻望處遙識漢陽城

偶因小恙不能躬祀先園

望、雲山隔幾重一身抱恙轉踈慵徒聞野鶴飛華
表佇立斜陽值下春千古難工非馬喻九原空記若
堂封水流花謝春將老惆悵那知世味濃

病後喜晴閑步

抱恙連旬耐靜居扶筇緩步下庭除晴天偏麗人心
悅化日初長柳眼舒壠上麥苗青不了園中花卉錦
能如春城值此多辜負強對東風一振裾

鳳山都憲枉和前作再依韻奉酬并寓賀意
日上雕闌樹影重支頤無事坐春慵高穹雲物何祥
瑞平地風波自蕩春敢向騷人挑白戰不教歡伯就
黃封京師飛報泥金至近覩烏臺喜氣濃

潭々雅稱府中居日曆何嘗管建除丹納心間忠自
抱黃分眉上喜能舒白雲鶴去疑當返明月烏飛縱
所如祗爲金閨通籍早春風隨處逸霞裾時其冢器

中順天府鄉試

毛侍御汝礪客秋戒行予嘗贈言竟以不得
代而復留者半歲今則去駸不可繫矣再踵
前韻遺之

江路迢遙梗復通荆南草樹凜生風邦人竟不呼黃
鳥柱史何當繫玉駸麥穗又逢千頃綠杏花曾覩兩
番紅相知既久難為別惆悵卿雲度碧空

南畝亭觀植苗

村歌村鼓集村童密々新苗布綠荒手似蜻蜓忙點
水坐乘秧馬擬追風省耕本亦求無逸助長安能望
有功終畝令人增感慨酒盃灌地祝年豐

即事

丹榴正吐芳綠艾已生香角黍風淳古龍舟事渺茫
闕文當夏五把酒又端陽炎溽何須計方欣晝景長

次韻桂軒端陽之作

此日人家喜會賓不聞鳴鼓賽諸神門垂弱柳千條
綠盃泛香蒲一度新下邑紛々逃賦稅征途擾々走

蹄輪賡誥忽出憂時語但作詩人几上塵

久旱聞禱雨作

畏日炎々勢孔殷憫農心切復何云行香勞瘁因祈
雨翹首躊躕且望雲龍伏其潭堅不起鶴鳴于垤猛
相聞神鞭鬼馭知何處願瀉天瓢衆所欣

五月晦日雨

連朝數望霓怕道夕陽西快覩天飛雨翻疑水漲谿
槐陰猶簇々草色漸萋々亢極霖當降歡聲動遠黎

賀秦都憲喜雨

歲方大旱苗將槁喜得傾盆雨未慳雲氣遠連銀漢
上濤聲近出畫梁間文能傳後誰坡老憂必當先此
鳳山祗為至誠祈輒應四民無復帶愁顏

生民何計樂樵蘇佇望雲霓眼欲枯六月正乾逢雨
澤一邦咸喜比璣珠憂深烏府曾三禱事在麟經定
特書

帝用作霖元不忝爾心無乃過謙虛

和韻桂軒夏日即事

雨後生涼扇不揮飢蚊無柰往來飛坐令酒困聊凭

凡吟得詩工半掩扉花滿塵心知愈遠風清暑氣覺
全微城南城北如千里共覩江心蕩夕暉

七夕

長空月半環牛女會雲間靈鵲為橋就佳人乞巧還
銀河翻浪影玉露潤花顏盡醉葡萄葡萄釀酣餘自取閑

七月十八日值予初度

好雨通宵暑半收朝暉開霽正東頭年華屈指逢初
度節序驚心過立秋王度惟貞慚或玷親恩罔極慟
難酬昊天空廓應無際世事紛紜甚可憂

秋齋漫興

兀齋居避俗喧此心定靜欲忘言秋聲在樹還侵
座夜色當階忽上軒人境無時翻佛曲天台何處覓
仙源簾前燕子歸將盡暑往寒來迅似奔

省牲瞻望江景

登壇意遠獨徘徊瞻望空江秋水來城市分明如畫
幃重、雲錦罩樓臺

秋江浩渺少行舟魚鳥飛潛得自由萬頃晴光通碧
落瑞雲深處是神州

報祀山川連日暑甚十一夜更深商風大作

殘暑仍餘烈乘涼獨坐深秋聲鳴老樹夜色薄遙岑
雲拂蟾蜍影風揚蟋蟀吟明河搖几席白露濕衣襟
揮塵醒塵夢臨軒動賞心詩魔降未得何處問知音

秋雨感懷

今秋過半慳風雨一雨令人思惻然萬徑人蹤迷故
步千林木葉闔新妍緬懷愛酒陶彭澤未見能詩謝
惠連南幸鸞輿歸尚未凭闌翹首問蒼天

寄段大尹

喜聞喬擢尹葵立燕處琴堂事，修擬答

君恩惟夙夜敢云吾志在春秋烟籠四野花常發河
帶孤城水自流籍甚賢聲今滿路飛鳧何日向
神州

鳳山都憲生日其冢器進士適來省覲

荆臺獨坐賢勞日六載風霜抗老顏會見

恩榮承北闕願言壽筭比南山秋光正好仍初度晚
節方堅總大閑最喜阿郎千里至趨庭羸得舞衣斑

和桂軒九月聞雷韻

隔宿陰晴不易猜暮秋底意未收雷阿香忽自地中
發飛雨疑從天外来賓鴈聲疎無復陣蟄蟲戶冷且
重開路人傳道鸞輿北應念遐方苦水災

對菊

把酒問名花西施獨半笑涼風正吹汝寒露浥芳耀
玉骨散幽香冰姿含窈窕老人羞上頭移尔付年少
九日懷玄鶴靜樂梅軒樂善四從兄

逝者知何往逢時寓我哀豈其遊汗漫無或訪蓬萊
憶昔登高會相傳藍尾盃而今成寂寞獨酌忍徘徊

九日登高

移步寺東頭清霜無限秋江山渺一粟宇宙豁雙眸
紅樹翻歌扇黃花泛酒甌緬懷彭澤縣節誼重前修

再和前韻答李舉人

飛步碧山頭江天一色秋底須開笑口且自縱吟眸
咫尺人千里尋常酒百甌東籬穠艷在花譜許誰修

霜降夜祀

驚心時物變草色帶霜威旗纛秋崇祀宮城夜啓扉
未明聞急鼓將冷授新衣靈鵲巡簷噪殘燈影漸微

聞雷用前韻

白露為霜後雷霆宜歛威驟雨忽漂瓦猛風頻拍扉
渠有夏屋惕慚宵衣時乖令不正誰復占幾微

宗廟冬祀

不勝悽愴值斯時入廟令人起孝思夜靜悠々霜氣
凜天高漠々鴈聲悲金壘在坵光搖俎火燎盈城影
動俾灌獻有嚴昭格文禮成紀事託新詩

伍正郎還京

蚤從粉署播才名奉使三年政有成水遠不差材木

數山長未息斧斤聲咨諏原上皇華發悵望霜前旅
鴈鳴別去可知膺
寵渥五雲深處是

神京

題水仙花

水仙標格異凡花粉面疑霜不染霞一簇齊開香透
骨由来玉質絕無瑕

碧葉中抽白玉花對花酌酒興偏賒臨風搔首詩難
就一曲凌波奏暮笳

和韻桂軒水仙花

水仙香並麝蘭香對此欣然把巨觴玉骨冰肌塵不
染擎霜含露恨尤長

索我詩篇較短長水仙一曲勸瑤觴可憐弱質堅清
操不與羣花賽色香

弟誠意堂送蠟瓣菊

秋英霜後黃如蠟來自東籬瓣香三嗅令人饒興
味高歌不罷引盃長

九秋天趣出籬東剪刻成花蠟樣同世味只今如嚼

蠟對花莫向酒樽空

風雨乍寒

冬深寒始作起坐怯衣單酒醒天將曙詩成燭已殘
雨鳩啼故風竹響珊原野占三白呈祥萬姓歡

冬至

節候當長至飛灰理可探一陽回地面百刻轉天南
生意萌衰草寒光帶遠嵐時清饒樂事撫景醉方酣
和韻桂軒仲冬見雪

長至後剛踰十日凜然風雪作嚴冬池中冰合陰重

結天上雲垂色一同凍鵲無聲窓已曙早梅有信歲
將窮從知郢曲難為和玉豈他山石可攻

對雪

四野陰雲合飛綿落坐隅搖光眩銀海集霰妬瓊珠
酒力隨風軟詩狂對雪娛山城橫粉黛造化繪成圖

聞王師凱旋

藩方致貢遠瞻天此日王師報凱還征伐當頭沾
厚賚流離滿目徙荒田歌樓鞦韆沿河起詔使頻繁
逐日傳飲至禮成應有薦宗祊磐固萬斯年

春雪和桂軒韻

雪花亂落擁朱扉大地春回返作威雲集飢鳥投祭
戟星飛野馬薄屏幃高臺矗真堆玉瓦木欣盡
綴璣宿酒未醒吟思劇晨光且喜見熹微

贈秦鳳山北上

除書新拜少司徒玉貌昂藏紫綬紆錢穀預儲司國
計棟梁久待應時須城南車馬催行色雪後江山擁
畫圖既貴能貧清徹骨臨岐琴鶴與之俱

宗廟春祀

齋心方且致精虔快挹春風又隔年藹藹半空香篆
裊逢幾處鼓聲闐陰雲匝地濃於墨急雨通宵迸
似泉明發禮行嚴俎豆廟門高啓潔牲牲

初春夜坐

宮漏報更初閑看太古書雨深傾瓦屋風急轉雷車
燒燭渾無寐開樽宿有儲千金酬一刻此語信非虛

齋居

持齋導典涖行宮對雨無言靜坐中桃葉風輕紅似
染柳條煙暗綠相籠律回歲首三春麗鈞轉天心一

氣洪躬謁叢壇忠且敬祈年告語達神聰

齋居之夕和李舉人韻

恭修祀事檢儀文爭柰陰雲蔽夕曛
細雨柳條隨意綠暖風花氣逐人燠
安心何處能忘酒守戒斯時不茹葷
過眼韶光如逝水展看舜曆又春分

將祀山川曉出見霧

濛濛春霧壓山城曙色熹微漸放晴
南郭視牲官道滑東風驅騎紵衣輕
墻頭艷杏紅千朵鏡裏吟髭白幾莖
虔祀山川神感格今宵可料月華明

獨桂

何年移下月中桂亭構方新得此名
老葉春深舒翠蓋高枝秋至綴金英
開樽對酌祛塵俗抱膝閒居遂物情
為問廣寒宮裏客姮娥靈藥會須成

聶方伯擢任河南

長亭啼鳥曉風前絲管紛紛列祖筵
全楚馳聲凡幾任大梁宣政此喬遷
恩光屢至從楓陸別意堪驚動柳烟
遇事只緣明且敏路人都道是青天

和桂軒春夜紀興韻

底故循庭夜獨行人言鳥語寂無聲
巷砧拍、應忘暮宮漏遲、又轉更風散酒顏
憎少睡日移花影惜多情心間事、消
除却高枕天明自不驚

觀長春山園採茶

長春嶺上路崎斜採得應時穀雨茶
蒸土傍山培舊榦東風吹樹茁新芽
銀鐺湯老更泉水玉椀香溥捲浪花
千載盧仝留口實何如今日趣尤嘉

次韻荅弟惟善堂

家苑新茶自我將金昆玉弟共分嘗
鰕鬚再沸湯猶嫩雀舌重煎味却長
雨後淺根培客土風前老榦挺神鎗
愧承佳什增高價博得珠璣耀草堂

食新玉瓜

致齋三日戒腥葷老圃玉瓜賽野芹
靜裏偏驚時物變也將世味減三分

和沈長史問天韻

感時翹首問蒼空造化年來也不公
陋室經旬遭驟雨扁舟鎮日遇狂風
多聞却信疑當闢前定方知道

不窮人事盡時天理見維新朝有中興功

有感亦和韻

否極何當泰斯民古即今青天應有眼
苗屋本非心茅土承高位絲綸降好音
邇來名器慎輿阜亦重金

南軒亭即事二首

夏日幽亭坐無言謾自嗟
巡簷頻噪鵲逸樹亂鳴鴉
狼莠侵苗稼蓬蒿委樹花
眼前蜂螳出斜日暮雲遮
穴出多蚯蚓臨塘獨聽蛙
牧人牛已放村老鼓頻搗
野調聲相和雨觀興轉賒
黃雞并白酒半醉即生涯

驟雨後作

亭午風雷變天瓢作意傾
半空濃靄布平地怒濤生
潤物功方大應時氣自清
好山朝出見誰不快新晴

感興

升遐鶴馭自殘春被服衰麻
遍海垠萬國謳歌歸
令主一時蒲艾值
豨賓山前戲馬心
應息江上飛鳧

迹已陳

聖祖開基磐石固而今治化又維新

題簷蔔花二絕

簷蔔真為妙品花，容如玉絕無瑕。
薰風吹送幽香細，惹得詩人興味賒。
不共葵榴鬪豔粧，檀心水瓣散清香。
芳時折取瓶中插，對此誰能不舉觴。

和桂軒端陽喜晴

千紅點綴海榴枝，滿座薰風午漏遲。
桂節雅宜傾竹葉，長生何待服松脂。
波搖湖面魚成隊，塵落梁間燕哺兒。
欣賞晴光當此際，幾人乘醉寫烏絲。



